

آبونه اولق ایستیلر دائره عدلیه ده
اداره مخصوصه سنه مراجعت
ایملدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

تجدیدیه

سنه لکی در سعادت ایچون مجیدیه
یکرمی غروش حسابیه التمش
غروشدر

طمره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ارتسی و چهارشنبه کونلری نشر اولنور. محتویاتی امور عدلیه به متعلقدر

محاکمات

ملاطیه سنجانی بدایت محکمه سی مدعی عمومی
معاون سابق عباس افندینک اوراق انفصالیه
و مدافعه نامه سی انجمن انتخاب مأمورین عدلیه جه
لدی التدقیق جواز استخدامنه قرار ویرلشددر .

محکمه تمیز حقوق دائره سندن تنظیم واعطا
اولنان اعلامدر :

قواله قصبه سنک آیایانی محله سنده مقیم باقرچی
دیمتری مانول ایله محله مذکورده ساکنه الی قادین
بنت آندون بیننده متکون دعوایه دائر قواله قضاسی
بدایت محکمه سندن ۱۲ ایلول سنه ۳۱۲ تاریخی
ویوز قرق عددی ایله ویریلان اعلام مرقوم دیمتری
طرفندن تمیزایدملکه اعلام مذکور طرفینک اعتراض
وجواب لایحه لریله برابر تدقیقات تمیزیه اجراسنه
ابتدار قلندی .

اعلام مذکورک خلاصه مندرجاتی مزبورده الی
قادینک قصبه مذکورده سک روم خسته خانه سی جوارنده
کائن اولوب باسند خاغانی عهدۀ تصرفنده بولنان
برباب خانه سی حویلسنک برآرشون عرضنده ویکرمی
آرشون طولنده کی محله مرقوم دیمترینک بالتجاوز
کاریز انشا واحداث ایتک صورتیه وقوعبولان
مداخله سنک معنی قواله بدایت محکمه سنه مراجعتله
طلب وادعا وبرقطعه سند ابراز وارائه ایتسنه قارشو
مدعی علیه دیمتری دخی مدعابه محله ایکی قطعه طاپو
سندی موجبجه کندوسی تصرف ایتکده اولدیغنی
مدافعه بیان وتذکار ایتسنه ایسه ده اکمال محاکمه
ضمننده اخیراً تعیین قلنان کونده محکمه به ورود
ایتماسی اوزرینه محکمه جه وکیل مسخر تعیینله محل
منازع فیه کشفی اجرا قلندقدن صکره جریان ایدن
محاکمه وتدقیقات نتیجه سندن مدعیه نک خانه سی ایله
مدعی علیه دیمترینک خانه سی آره سنده موجود برمترو
الی ساتیم عرضنده وطقوز مترو طولنده کی محاکم

تجدیدیه

خداوندکار ولایتی مرکز بدایت محکمه سی جزا
دائرة سی ریاستی موصل ولایتی مرکز بدایت
محکمه سی جزا دائرة سی رئیس عزتو عمر لطفی بکه
موصل ولایتی مرکز بدایت محکمه سی جزا
دائرة سی ریاستی خداوندکار ولایتی مرکز بدایت
محکمه سی جزا دائرة سی رئیس عزتو نشئت بکه
حلب ولایتی مرکز بدایت محکمه سی مدعی
عمومی معاونلکی عکا سنجانی بدایت محکمه سی
جزا دائرة سی رئیس فتوتو مصطفی خلوصی افندی به
عکا سنجانی بدایت محکمه سی جزا دائرة سی
ریاستی نابلس سنجانی بدایت محکمه سی جزا
دائرة سی رئیس فضیلتو رسول حق افندی به
نابلس سنجانی بدایت محکمه سی جزا دائرة سی
ریاستی قوزان سنجانی بدایت محکمه سی مدعی
عمومی معاونی عباده مجدی افندی به
قوزان سنجانی بدایت محکمه سی مدعی عمومی
معاونلکی نابلس سنجانی بدایت محکمه سی مدعی
عمومی معاونی فتوتو حسن حلمی افندی به
نابلس سنجانی بدایت محکمه سی مدعی عمومی
معاونلکی عینتاب تجارت محکمه سی رئیس سابق
مکرمتلو احمد حمدی افندی به
وان ولایتی مرکز بدایت محکمه سی مدعی
عمومی معاونلکی دیاربکر ولایتی مرکز بدایت
محکمه سی مدعی عمومی معاون سابق محمد نوری
افندی به
بایزید سنجانی بدایت محکمه سی مدعی عمومی
معاونلکی تپه دنان قضاسی بدایت محکمه سی جزا
دائرة سی رئیس سابق عثمان بحری افندی به
مرسین سنجانی تجارت محکمه سی ریاستی لریوز
قضاسی بدایت محکمه سی رئیس رشید ذهنی افندی به
موش سنجانی بدایت محکمه سی جزا دائرة سی
ریاستی ماردین سنجانی بدایت محکمه سی مدعی
عمومی معاونی مصطفی شوقی افندی به

ماردین سنجانی بدایت محکمه سی مدعی عمومی
معاونلکی فیلات قضاسی بدایت محکمه سی جزا
دائرة سی رئیس سابق حسین فکری افندی به
ارطغرل سنجانی بدایت محکمه سی مدعی عمومی
معاونلکی یکیکجه واردار قضاسی بدایت محکمه سی
جزا دائرة سی رئیس مصطفی نائی افندی به
یکیکجه واردار قضاسی بدایت محکمه سی جزا
دائرة سی ریاستی پرله قضاسی بدایت محکمه سی
مدعی عمومی معاونی فهمی افندی به
پرله قضاسی بدایت محکمه سی مدعی عمومی
معاونلکی پره پول قضاسی بدایت محکمه سی مدعی
عمومی معاونی خلیل رحمی افندی به
پره پول قضاسی بدایت محکمه سی مدعی عمومی
معاونلکی غرامش قضاسی بدایت محکمه سی مدعی
عمومی معاون سابق سلیمان فائق افندی به
الاصونیه قضاسی بدایت محکمه سی جزا دائرة سی
ریاستی اشتب قضاسی بدایت محکمه سی مدعی عمومی
معاونی قهرمان حزمی افندی به
اشتب قضاسی بدایت محکمه سی مدعی عمومی
معاونلکی مکتب حقوق شاهانه مأذونلرندن علی
رضا افندی به
الاصونیه قضاسی بدایت محکمه سی مدعی عمومی
معاونلکی مکتب حقوق شاهانه مأذونلرندن صدق
افندی به
قرهجه آباد قضاسی بدایت محکمه سی مدعی عمومی
معاونلکی شارکوی قضاسی بدایت محکمه سی
مدعی عمومی معاونی عباده نسیم افندی به
شارکوی قضاسی بدایت محکمه سی مدعی عمومی
معاونلکی قرهجه آباد قضاسی بدایت محکمه سی
مدعی عمومی معاونی عثمان ذکی افندی به تفویض
بیورلش ومومی الیهمدن محلف اولمیان علی رضا
وصدق افندیلرک علی الاصول امرتحلیف لری در دست
اجرا بولنشددر .

مدعیه نك تحت تصرفده اولدینی مذکور طامه لقله مدعیه مزبورده نك خانه سی پخیره لرینك محل منازعه فیه جاری و ناظر اولسی ومدعی علیه طامه لغتك محل آخره آقیدیر یه رق پخیره لرینك اولطرفه نظارتی بولغامسی دلالتی واولباده استماع اولشان شهودك شهادت لرله ثابت اولدیغندن مجله نك بیک سكر یوز اون سكرنجی ماده سی موجبجه مدعی علیه مرقومك محل مدعا به و قوعبولان تجاوز و مداخله نك منعه دأثر لاحق اولان اعلامك عندالاستیناف تصدیقه حكمدن ومستدعینك اشبو حكم علیه نه لایحه سنده محرر اعتراضاتنك باشلوجه سی بموت تصرفك وثائق قانونیه مستد اولسی مقتضی اولدینی حالدیه محكمه جه كشفك اسباب ثبوتیه دن عد ایدلسی وحكمك دعوا یه موافق صورتده ادای شهادت ایده میان شهودك شهادت لرله بنا ایدلسی مغایر قانون اولدیغندن بخله اعلامك قضی استدعاسندن ولایحه جوابیه مؤداسی دخی اعتراضات مسروده نك غیروارد ایدوکی بیانیله ردی و اصول و قانونه موافق اولان اعلامك تصدیقی طلبندن عبارت بولمشدر .

ایجابی مذاکره اولندقه اعلام مذکور مألندن مستبان اولدینی اوزره دعوا ی واقعه عقاره متعلق اولق حسبیلله توجه خصومت ایچون اول امرده ذی الیدللك بالینه ثبوتندن صكره ایجاب ایدن طرفدن بینه استیله رك تبین ایده جك حاله كوره قرار ویرلك لازم کایر ایکن دعوا یه موافق اولمیان شاهدلرك شهادتیه ومدعیه نك پخیره لرینك محل منازعه فیه ناظر اولدیغه بناء منع مداخله به قرار ویرلسی مغایر قانون اولدیغندن اصول محاکمه حقوقیه قانوننك ایکویز اوتوز ایکنجی وایکیوز قرق رنجی ماده لر ی موجبجه اعلام مذکورك قضیله قانون مزبورك ایکویز قرق دردنچی ماده سنك فقره ثانیه سی حکمه توفیقاً کیفیتک یکیدن بالرؤیه اعلامه ربطی ضنده محکمه مذکوره یه اعاده سنه ۲۸ مایس سنه ۳۳۳ تاریخنده متفقاً قرار ویرلدی .

مصطفی بن اسماعیل جرح ایلدیکی ادعا اولمئسندن دولای جنایتله اتهام اولتان ابراهیم بن محمدك اوج سنه مدته کورکه قولئسنه دأثر خداوندکار ولایتی استیناف محکمه سی جزا دأثره سندن اعطا قلتان ۱۷ نومرولی اعلام

رضا چاوشك کیفیت قتلندن دولای جنایتله اتهام اولتان حسن بن الیاسك اون بش سنه مدته کورکه قولئسنه دأثر سلانك ولایتی استیناف محکمه سی جزا دأثره سندن اعطا قلتان ۴۶۷ نومرولی اعلام

طوقاج اوغلی احمدی قتل قصدی اولمئسزین ایقاع ایلدیکی ضربك تأثیریه و فاته سیبت ویردیکی ادعا اولمئسندن دولای جنایتله اتهام اولتان مستان بن مصطفانك بش سنه مدته کورکه قولئسنه دأثر ادرنه ولایتی استیناف محکمه سی جزا دأثره سندن اعطا قلتان ۸ نومرولی اعلام

مرأت عثمان چاموچنك قاتله معاونت ایتمسندن دولای جنایتله اتهام اولتان حسین خلیل طوسقه نك اوج سنه مدته کورکه قولئسنه دأثر دراج سنجان ی بدایت محکمه سی جزا دأثره سندن اعطا قلتان ۱ نومرولی اعلام

عثمانی جرح و قتل ایلدیکی ادعا اولمئسندن دولای جنایتله اتهام اولتان محمد بن شعبانك اون بش سنه مدته کورکه قولئسنه دأثر قیصریه سنجان ی بدایت محکمه سی جزا دأثره سندن اعطا قلتان ۲۶۰ نومرولی اعلام

عبدالرحیم بن محمد الکرینك خانه سی قپوسنی قیرمق صورتیه اشیا سی سرق ایلدیکی ادعا اولمئسندن دولای جنایتله اتهام اولتان محمدك اوج سنه مدته کورکه قولئسنه دأثر قدس شریف سنجان ی جزا محکمه سندن اعطا قلتان ۱۰۹ نومرولی اعلام

ترزی اوخانس ولد بغوصك دکاتی دله رك سرقته جرأت ایلدیکی ادعا اولمئسندن دولای جنایتله اتهام اولتان احمد بن حسن و کرکور و آغوبك اوجر سنه مدته کورکه قولئسینه دأثر آخنه ولایتی استیناف محکمه سی جزا دأثره سندن اعطا قلتان ۱۱ نومرولی اعلام

حمدی افندی ی قتل ایلدیکی ادعا اولمئسندن دولای جنایتله اتهام اولتان جانباز لطفی بن حسنینك اون بش سنه مدته کورکه قولئسنه دأثر درسعادت جنایت محکمه سندن ویرلان ۱۰۳ نومرولی اعلام

کرد علی اوسته ی قتل ایلدیکی ادعا اولمئسندن دولای جنایتله اتهام اولتان عزیز بن مصطفانك اون بش سنه مدته کورکه قولئسنه دأثر مرعش سنجان ی بدایت محکمه سی جزا دأثره سندن اعطا قلتان ۱۴۰ نومرولی اعلام محکمه تبیز جزا دأثره سنجه تصدیق قلمشدر .

۶۰۲ نومرولی نسخه ده مندرج درسعادت جنایت محکمه سی اعلامنك بقیه سی :

محاکات جاریه اوزرینه اوراق تحقیقه ویاچله ضوابط محکمه وضع موضع تدقیق و کیفیت تعمیق اوله ورق ایجاب کیفیت لدی المذاکره خالده کیفیت جرح و قتل مدعه سندن طولانی اتهام اولتان معروف

مستعاردن امیدنی کسمش اولان برمجروحك اصل جارحنی برافوبده بر بشقه سی اخبار ایتمی عقلاً مستبعد بولمئسنه و مجروحك جارحنن دها جملی اولسی کیفیتک مفادوضه ایقاع ایلدی بیه جك ماده جرحه مانع احوال تشکیل ایتمی لازم کلامسنه و مجروحك تزنده یحاق قینی بولمسی و جارحه اثر جرح و منازعه اولماسی قضیه لرندن رنجیسی متهمك مقتولی سرخوش ایدرك بالاغفال یجاغنی آله رق جرح ایتدیکنه ویاچرمنی برای ستر بعدالجرح قینی مجروحك تزدینه برافورق فرار ایتمش ویاخود دیل منازعه سی اوزرینه مجروحك یجاغنی چکمی عقیده لندن آله رق مدافعه و مقابله یه ثبوت اضطراری و طبیعیسی برطرف اولدقندن صكره یاره لش ایدوکنه ایکنجیسی بالعکس مقتولك حرکت تجاوزکارانه ده بولمئدیغه دلالت ایسنه و مادامکه وقعه یی معقباً متهم فرار ایتمشدر اوزرنده لکه اولسده محو ایده بیه جکی جلی بر ماده ودرمیان اولشان خصومت مجروح حقدنه دکل دها کبرمدی سوزینك دلالت علیه سیله جارحنی معروف اوله جفی شهیدن ازاده اولسنه نظراً متهم مرقومك انکار و تأویلاتی و مدافعه وکیلنك موکلنك کرک براث وکرک مدافعه نفس و مقابله جهته متفرع کافه مدافعاتی حیز قبولدن عاقل و الحاصل متهم معروفك اوچیز یکرمنی ایکی سنه سی ایلولنك یکرمنی ایکنجی جمعه کیجه سی ایوبده جمعه یازاری نام محله کائ سبیل اوکنده خالدی بالتبور جرح و قتل ایلدیکی اسباب مشروحندن متحصل قرینه قاطعه و حقوق تقدیریه ایله مرتبه ثبوت واصل اولدیغندن اولوجهل مجرمینه وجاهاً و متفقاً قرار ویرلهرک محاکمه اوطنه سنه عودتله قرار مذکور علناً قرائت و بیان اولندقه معاون مومی الیه مجرم معروفك قانون جزانك یوز یتش دردنجی ماده سنك فقره اولاسنه توفیقاً تحدید جزاسنی طلب وادعا وکیل مومی الیه ایله مجرم مرقوم دخی بشقه دیه چککری اولمدیغنی انبا ایتلرله تعیین جزایه طأد محاکمه نك دخی ختام بولدیغنی اکلا دیلهرق تکرار مذاکره اوطنه س کیدلدی .

جهت جزایه حقدنه دخی مذاکره کیفیت اولند قده مجرم معروفك حرکتی قانون جزانك یوز یتش دردنجی ماده سنك فقره اولاسنه موافق و فقره مذکوره [برکمه سن غیر تعمد بر شخصی اتلاف ایتمش ایسه اون بش سنه مدته کورکه وضع اولتور] عباره سی ناطق اولدیغندن مذکور فقره حکمه توفیقاً وابتدای توقیفی اولان اوچیز یکرمنی درت سنه سی شعبانك یکرمنی بشتجی کونندن اعتباراً اون بش سنه مدته کورکه قولئسنه و مصارف محاکمه اولان جماعاً یوز التمش غروشك مرقومدن بالتحصیل عدلیه وزنه سنه

تسایم ایتدیرلمسنه اوچیز یکرمنی اوج سنه سی جزیرانك یدنجی کونی کذاک وجاهاً و متفقاً قرار ویرلهرک اصول قضییه اجرا قلدنی .

احمدی ضرب ایتدیکی ثابت اولان حلمی افندیك برهفته حبسنه

احمد اغانك دالیانندن بالق سرق ایتدیکی ثابت اولان طودورینك بر آی حبسنه

آننیک قادینك دکاندن پاره سرق ایتدیکی ثابت اولان حسنك سابقه مکرره احبابندن اولسنه مینی القی ماه حبسنه و ختام مدت جزایه سنده ضابطه جه کفالتیه ربطه

القینی ضرب ایلدیکی ثابت اولان انستاشیادن بر آتتون آتوب مضرویه ویرلمسنه

قسطنطینی ضرب و جرح ایتدیکی ثابت اولان قومیسر محمد افندیك برهفته حبسنه

نسیمك آورانی ضرب ایتدیکی ثابت اوله مدیغندن بر آتته و آورامك نسیمه اطاله لسان ایتدیکی ثابت اولدیغندن مرقومدن یارم آتتون جزای نقدی آلمسنه ملتبادی یی ضرب ایتدیکی ثابت اولان مانولك برهفته حبسنه

خلاف تنیه اوزرنده سلاح طاشیدینی ثابت اولان آرتسودن بش بشلک جزای نقدی آلمسنه

پاولینك یوز المی لیرالق بر ساخته سند تنظیم ایلدیکی و بونی استعمال ایده جکی ثابت اولدیغندن مرقومك برسنه مدته حبسنه و مذکور سنك حکم سز لکنه

آورامك زوجه سنه مغل ناموس سوز سوبلیدیکی ثابت اولان رفقه دن یارم آتتون جزای نقدی آلمسنه مادام رابونوگ اچقه سی سرق ایتدیکی ثابت اولان التینك اوج آی مدته حبسنه و ختام مدت جزایه سنده ضابطه جه کفالتیه ربطه

مانولی ضرب و جرح ایتدیکی ثابت اولان عثمانك برهفته حبسنه

سیف اللهك قوندیره سی وعلینك قوشاق و اچقه سی سرق ایتدیکی ثابت اولان یورینك اوج آی حبسنه و ختام مدت جزایه سنده ضابطه جه کفالتیه ربطه

یونانی ماتیه ولد یورینك اجرای وظیفه حالتده پولیس محرم افندی یی ضرب و جرح ایتدیکی ثابت اولدیغندن برسنه حبسنه

عکلیانك تالاننك جاملر یی قیردینی ثابت اولدیغندن اون بشلک جزای نقدی آلمسنه

تاقوهینك آراقسی یی ضرب ایتدیکی ثابت اولدیغندن ایکی آتتون آله رق مضرویه ویرلمسنه

تحسینك عارفه مغل ناموس سوز سوبلیدیکی ثابت اولدیغندن اوج کون حبسنه

مخورك اورو قادینی ضرب و مزبورده نك دخی مرقومك جاملر یی شکست ایلدیکی ثابت اولدیغندن مخورك اون بش کون حبسنه واورو قادیندن دخی اون بشلک آلمسنه بک اوغلی بدایت محکمه سی جزا دأثره سنجه قرار ویرلمشدر .

مخالفات و انتیابیه

زبله قضای بدایت محکمه سی اعضاسندن مستنطق خیری افندیك برقل ماده سنده وظیفه مأمورینی سوء استعمال ایلدیکی سیواس ولایتی استیناف محکمه سی مدعی عمومیلکسندن وارد اولان اوراق تحقیقه مندرج اتندن مستبان اولسنه مینی مومی الهیك بالعلزل محاکمه آله آلمسنه عدلیه نظارت جلیله سنجه مأذونیت ویرلهرک مذکور مدعی عمومیکه تبلیغات مقتضیه اجرا قلمشدر .

اعلانات

تجارت بحیره فکر سنده

چارشوی کیرده قیوچیلر جاده سنده کائ مغازه ده ساکن ایکن تجارت بحیره محکمه سندن افلاسنه حکم اولنمش اولان واسیل تیلکدیس ذمتنده آله جفنی اثبات ویا موقتاً قبول وقید ایتدیرمش اولان آله جقولرک قانوننامه تجارتک ۲۱۱ نجی و آئی ولی ایدن ماده سی موجبجه مفلس طرفندن تکلیف اوله جحق قوتور دأتونک مذاکره سی ایچون اشبو ۳۳۳ سنه سی اغتسوسنك اون سکرنجی جمعی ایترسی کونی محکمه مذکورده نك مصالح افلاسیه رؤیتیه مخصوص اوطنه سنه گلری اعلان اولتور .

تجارت بحیره محکمه سنجه افلاسنه قرار ویرلش اولان آریسیتدی اکسه نیدی به عائد استانبولده بالق یازاری جوارنده واقع مغازه ده بویا وسائر اموال تجاریه نك بلزایدیه فروختی مقرر اولدیغندن اشترا به طالب اولانلرک شهر اغتسوسنك اون یدنجی جمعه کونی ساعت ایکی یحقی راده لرنده محل مذکورده حاضر بولملری اعلان اولتور .

اعهومات شرعیه اجرا دأثره سنده :

حاجی حسین افندیك مصطفی شکری افندی

ذمتده با اعلام شرعی آله جعی اولان مبالغ معلومه نك تأمین استیفاسی ضمننده مدیون مومی الیهك عهده. سنده اولوب محجوز واعلام نظامی ایله فروختی محكوم بولنان خواجه پاشا قربنده قره کی حسین چلی محله. سنده خداوندکار جاده سنده میرمیران مرحوم محمد پاشا مکتب وسیلی قارشوسنده تراموای یولنده واقع یدی نومرو ایله مرقم معلوم المشتملات کارگیر براب خانه نك اشبو تاریخ اعلاندن اعتباراً اون بش کون صکره بالزاید فروخته تشبث اولنه جغندن طالب اولوب پی سورمک واطرافلیجه معلومات آلق ایستینلرک مدت مذکوره ختامندن صکره درسعادت اعلامات شرعیه اجرا دائره سنده مراجعت ایلملری دائره مذکوره دن اعلان اولنور .

درسعادت اعمومات نظامیه اجرا دائره سنده

عایشه خانمک درسعادت برنجی حقوق دائره سندن استحصال ایلمیکی برقطعه اعلام موجبجه داود پاشا اسکله سنده قصاب الیاس محله سنده حمام قارشوسنده برنومرولی خانه ده مقیم حمده افندی ذمتده آله جعی اولان ایکیوز عدد عثمانلی لیراسنک مع فائض و مصارف محاکمه تحصیلی دائره مذکوره جه حکم آلتیه آلمش ومدیونک غیوبتی جهتیه اعلام مذکورک صورت مصدقه سی اعلان صورتیه تبلیغ ایلمش ومدیون مومی الیهك الآن غیوبت ایتمدیکی اکلاشلمش اولدیغندن اجرا قانوننک یکرمی طقوزنجی ماده سی موجبجه تاریخ اعلاندن اعتباراً طقسان بر کونه قدر مدیون مومی الیه اثبات وجود ایلمیکی حالده مدعیه طرفندن وقوعبوله جق مطالبات قانونیه نك ایفاسیه حکم اعلامک اجرایی جهته کیدیه جکی درسعادت اعلامات نظامیه اجرا دائره سندن اعلان اولنور .

ارطغرل سنجانی تجارت محکمه سنده

بیله جک قصبه سنک خطوط اوغلی محله سنده مقیم حریر و قوزه تجارندن اناتولیان اغوبک ۲۷ تموز سنه ۳۲۳ تاریخندن اعتباراً اعلان افلاسنه و مصالح افلاسنه نك رؤیت وتسویه سی ضمننده اعضای محکمه دن مکرماتو نظیف افندینک ژوژ قومیسر ودعوی وکیللرندن رفعتلو فرید بک ایله تجارندن نیجیان افندینک موقت سندیک تعینلرینه و تجارتگاهیه خانه سنده موجود اموال و اشیای زائده بیتیه مغازه و فابریقه لری نك تمهیرینه و اوراق و دفاترینک جلبنه و کفالت معتبره مصدقه اراءه ایدمه مدیکی حالده توقیفنه و بوبابده کی قرارک موقتاً اجراسنه ارطغرل سنجانی تجارت

محکمه سنده قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اوچیوز یکرمی اوچ سنه سی اغستوسنک یکرمنجی بازار ایرتسی کونی ساعت الی راده لرنده اصحاب مطلوبک محکمه مذکوره نك مصالح افلاسنه نك رؤیتنه مخصوص اوطه سنه کلیری اعلان اولنور .

کوریمه تجارت محکمه سنده :

کوریمه دعوی وکیللرندن واسیل قوندی افندینک کسریه نك بوغاجیقو قریه سندن قاترینه خرستو ذمتده با اعلام مطلوبی اولان مبالغک تأمین استیفاسی ضمننده مزبورده قاترینه ارثاً موروث بوغاجیقو قریه سنده واقع جانب یمنی قسطنطین، جانب یساری نیقوله، آرقه جهتی طریق ایله محدود براب خانه نك نصفی حجز ایلمیه رک اصولاً بالزاید بیک سکیز یوز غروش بدل ایله داین واسیل افندی نامه تقرر ایدوب حاله قطعیه سی کشیده قلنمش و صوک اخبارنامه برای تبلیغ محله کوندردلکده مزبورده نك وفاتنه مبنی وراثتی اوغلی خرستوطناشه منحصر ایدوکی اشعار اولدیغندن تبلیغات لازمه نك ایفاسی ایچون مرقوم خرستو طناش محال متعدده ده تحری ایتمیرلمش ایسه ده محل اقامتی اکلاشیه مامش ایدوکنه بناء مدت قانونیه سی طرفنده تسویه دین ویا تقرر اعطا ایتمدیکی حالده رضاسنه باقلیمیه رق سند خاقانینک ویرلمی ایچون دفتر خاقانی دائره سنده تذکره یازیه جعی اعلان اولنور .

محکمه صغیر قضای بدایت محکمه سی اجرا دائره سنده :

آیاستفانوس قریه سنده مقیم اوستریا دولتی تبعه سندن موسیو رنه فرینک قریه مذکوره ده ساکن ایکن برای تجارت بروکسل شهرنده بولنقده اولان باجیقا دولتی تبعه سندن مادام بولین روپرس ذمتده با اعلام محکوم به مطلوباتی اولان مبالغ معلومه نك تأمین اخذ واستیفاسی ضمننده مدیونه مزبورده نك عهده تصرفنده بولنان آیاستفانوس قریه سنده کائن موصاد آنطوان زقاغنده شرقاً قصاب پنايوط عرصه سی غرباً و شمالاً موصاد آنطوان زقاغی جنوباً دخی مزارلق زقاغی ایله محدود مع بودروم ایکی قاتدن عبارت مع باغچه مشتملات سائردهی حاوی براب کارگیر خانه تاریخ اعلاندن اعتباراً اون بش کون صکره بالزاید فروخت اولنه جغندن طالب اولانلرک پی اچقه لری مستصحباً کوچک چکمه جه قضای اجرا دائره سنده مراجعت ایلملری اعلان اولنور .

ساقز بدایت محکمه سی اجرا دائره سنده :

ساقزده لدوس وروند اروز قریه سنده واقع آیا یورکی کلیسای متولیلرینک قریه مذکوره اهالیسندن پتروکووه جی ذمتده مصارف محاکمه اوله رق با اعلام آله جعی بولنان ایشیوز کسور غروشک تأمین استیفاسی ضمننده مدیون مرقومک قریه مذکوره ده لیوارا موقعنده کی معلوم الحدود محجوز برقطعه باغ ترلاسنک اون بش کون صکره مزایده یه چیقاریله جعی اعلان اولنور .

آیاصو بدایت محکمه سی اجرا دائره سنده :

آیاسقوند قریه سندن تبعه دولت علیه دن پنايوط ولد اطناش استیفانونک متوفی آرمناچ پورقوپ قیاچو نامه املاک متروکه سنک واضع ایلمی بولنان زوجه سی مدلولده مقیمه خریسو بنت علکسی مفلس علیهنده استحصال ایلمیکی اعلام موجبجه آله جعی اولان مبالغک تأمین استیفاسی ضمننده مدیون متوفایه ارثاً انتقال ایدن ایلیورتیمارینک لیوادی موقعنده کی الی بر نومروده مقید برقطعه ترلاسیله قرق بر نومروده مقید دیگر ترلاسی بالحقز و برای فروخت اقدجه مزایده یه وضع ایلمش واشبو املاککده طالبلری ناملرینه حاله موقتله لی بدلات مقررده دائره سنده اجرا قلنمش اولدیغندن یوزده بش ضمیله دوام ایدیه جک اولان مزایده یه پی سورمک ایستینلرک اوتوز برکونه قدر آیاصو بدایت محکمه سی اجرا دائره سنده مراجعت ایلملری اعلان اولنور .

آیاصو ساکنه لرنندن و تبعه دولت علیه دن متوفی واسیل سیواستو بنیامینک ینه آیاصولی قسطنطینی امالل اهو ذمتده با اعلام محکوم به آله جعنک تأمین استیفاسی ضمننده مدیون مرقومک عهده تصرفنده بولنان و مزایده اولیه سی ده اجرا قلنان آیاصو تیمارینک زوربا مرسین موقعنده اون درت نومروده مقید برقطعه زیتونلکی طقوز یوز و پاسپالا موقعنده کی یوز یکرمی و یوز الی طقوز نومرولی دیگر برقطعه زیتونلکی بیک سکیز یوز والا بسه موقعنده طقسان درت نومرولی کذلک برقطعه زیتونلکی دخی ایکی بیک اوچیوز غروش بدل ایله طالبلری عهده سنده تقرر ایلمش اولدیغندن یوزده بش ضمیله طالب اولانلرک اوتوز برکونه قدر آیاصو بدایت محکمه سی اجرا دائره سنده مراجعت ایلملری اعلان اولنور .